

**LUTRIJA BOSNE I HERCEGOVINE d.o.o.**  
**NADZORNI ODBOR**

Na osnovu člana 22. Zakona o igrama na sreću („Službene novine Federacije BiH“, br.48/15 i 60/15) i člana 22. Statuta Lutrije Bosne i Hercegovine d.o.o. Sarajevo („Službene novine Federacije BiH“, br.95/15), Nadzorni odbor Lutrije Bosne i Hercegovine, na sjednici održanoj dana 04.07.2019. godine, d o n i o j e

**P R A V I L A**  
**novčane srećke „SRETNI par“**

**1. OPŠTE ODREDBE**

**Član 1.**

Ovim se Pravilima propisuju uslovi za priređivanje novčane srećke „SRETNI par“.

**Član 2.**

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke „SRETNI par“.

Ugovor iz stava 1. ovog člana zaključuje se između Lutrije Bosne i Hercegovine d.o.o. Sarajevo (u daljem tekstu: Priređivač) i učesnika u igri, na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

**2. NAZIV I VRIJEME TRAJANJA IGRE**

**Član 3.**

Novčana srećka „SRETNI par“ (u daljem tekstu: srećka) je igra na sreću sa unaprijed utvrđenom visinom fonda dobitaka, u kojoj učesnik skidanjem emulzije sa određenih polja saznaje rezultat igre koji je otisnut u prostoru za označavanje dobitka.

**Član 4.**

Rok prodaje srećke otisnut je na srećki.

Rok prodaje srećke i krajnji rok za naplatu dobitaka mogu se produžiti odlukom direktora Priređivača.

Srećke koje nisu prodane do zaključenja prodaje, odnosno dobiti na ovim srećkama, ne smatraju se neisplaćenim dobicima.

Odluku o puštanju u prodaju svake od serija donosi direktor Priređivača i ista će se objaviti u jednoj od dnevnih novina.

### **3. USLOVI ZA UČEŠĆE U IGRI**

#### **Član 5.**

Učesnikom u igri smatra se osoba koja je sa Priređivačem zaključila ugovor iz člana 2. ovih Pravila, uz dokaz da posjeduje srećku.  
Srećka glasi na donosioca.

### **4. PODRUČJE PRIREĐIVANJA U IGRE**

#### **Član 6.**

Srećka se priređuje na području Federacije Bosne i Hercegovine i Brčko Distrikta BiH.

### **5. POJEDINAČNA CIJENA SREĆKE**

#### **Član 7.**

Cijena jedne srećke je 1,00 KM.

### **6. KOLIČINA I NOVČANA VRIJEDNOST EMISIJE SREĆKE**

#### **Član 8.**

Srećka se emituje u serijama. Jedna serija sadrži 1.000.000 (jedan milion) komada srećaka.

Novčana vrijednost emisije srećaka iznosi 1.000.000 KM (jedan milion konvertibilnih maraka).

Odluku o broju serija donosi direktor Priređivača.

### **7. VISINA FONDA I VRSTE DOBITAKA**

#### **Član 9.**

Naknada za priređivanje srećke - javni prihod Federacije Bosne i Hercegovine iznosi 10% od ukupne emisione vrijednosti srećke ili 100.000 KM.

Fond dobitaka iznosi 65% od ukupne emisione vrijednosti ili 72,22% od ukupne emisione vrijednosti umanjene za iznos naknade iz stava 1. ovog člana.

Novčana vrijednosti fonda dobitaka iznosi 650.000 KM i dijeli se na 221.410 dobitaka.

Fond dobitaka serije se raspoređuje po slijedećem planu:


| Vrsta dobitka                                | Iznos dobitka | Broj dobitnih srećki | Iznos koji se izdvaja iz fonda dobitaka | Vjerovatnoća 1 : ... |
|--|---------------|----------------------|---|----------------------|
| (1.000 KM x 4) + (200 KM x 4) + (100 KM x 2) | 5.000 KM      | 4                    | 20.000 KM                               | 250.000,00           |
| 5.000 KM                                     | 5.000 KM      | 2                    | 10.000 KM                               | 500.000,00           |
| 100 KM x 10                                  | 1.000 KM      | 3                    | 3.000 KM                                | 333.333,33           |
| 1.000 KM                                     | 1.000 KM      | 2                    | 2.000 KM                                | 500.000,00           |
| 20 KM x 10                                   | 200 KM        | 15                   | 3.000 KM                                | 66.666,67            |
| (DJETELINA 40 KM x 2) + 40 KM + (20 KM x 4)  | 200 KM        | 15                   | 3.000 KM                                | 66.666,67            |
| 200 KM                                       | 200 KM        | 9                    | 1.800 KM                                | 111.111,11           |
| 10 KM x 10                                   | 100 KM        | 40                   | 4.000 KM                                | 25.000,00            |
| (DJETELINA 20 KM x 2) + 20 KM + (10 KM x 4)  | 100 KM        | 20                   | 2.000 KM                                | 50.000,00            |
| 100 KM                                       | 100 KM        | 20                   | 2.000 KM                                | 50.000,00            |
| (5 KM x 7) + (2 KM x 2) + 1 KM               | 40 KM         | 160                  | 6.400 KM                                | 6.250,00             |
| (10 KM x 2) + (5 KM x 4)                     | 40 KM         | 60                   | 2.400 KM                                | 16.666,67            |
| DJETELINA 20 KM x 2                          | 40 KM         | 40                   | 1.600 KM                                | 25.000,00            |
| 40 KM  | 40 KM         | 20                   | 800 KM                                  | 50.000,00            |
| 2 KM x 10                                    | 20 KM         | 800                  | 16.000 KM                               | 1.250,00             |
| (DJETELINA 4 KM x 2) + 4 KM + (2 KM x 4)     | 20 KM         | 600                  | 12.000 KM                               | 1.666,67             |
| DJETELINA 10 KM x 2                          | 20 KM         | 400                  | 8.000 KM                                | 2.500,00             |
| 20 KM  | 20 KM         | 200                  | 4.000 KM                                | 5.000,00             |
| 1 KM x 10                                    | 10 KM         | 8.000                | 80.000 KM                               | 125,00               |
| 2 KM x 5                                     | 10 KM         | 3.000                | 30.000 KM                               | 333,33               |
| DJETELINA 5 KM x 2                           | 10 KM         | 3.000                | 30.000 KM                               | 333,33               |
| 10 KM  | 10 KM         | 1.000                | 10.000 KM                               | 1.000,00             |
| 1 KM x 5                                     | 5 KM          | 10.000               | 50.000 KM                               | 100,00               |
| (DJETELINA 1 KM x 2) + 2 KM + 1 KM           | 5 KM          | 10.000               | 50.000 KM                               | 100,00               |
| 1 KM + (2 KM x 2)                            | 5 KM          | 5.000                | 25.000 KM                               | 200,00               |
| 5 KM   | 5 KM          | 5.000                | 25.000 KM                               | 200,00               |
| 1 KM x 2                                     | 2 KM          | 32.000               | 64.000 KM                               | 31,25                |
| DJETELINA 1 KM x 2                           | 2 KM          | 32.000               | 64.000 KM                               | 31,25                |
| 2 KM   | 2 KM          | 10.000               | 20.000 KM                               | 100,00               |
| 1 KM   | 1 KM          | 100.000              | 100.000 KM                              | 10,00                |
| <b>UKUPNO:</b>                               |               | <b>221.410</b>       | <b>650.000 KM</b>                       | <b>4,52</b>          |

Prosječna vjerovatnoća za ostvarivanje dobitaka iznosi 1 : 4,52.



## 8. OPIS SREĆKE

### Član 10.

Srećka je kockastog oblika.  
Prednja strana srećke sadrži:



- Logo Lutrije Bosne i Hercegovine;
- Cijena srećke;
- Naziv srećke: „SRETNI par“;
- NAJVEĆI DOBITAK 5.000 KM;
- 10 redova označenih sa IGRA 1, IGRA 2, IGRA 3, IGRA 4, IGRA 5, IGRA 6, IGRA 7, IGRA 8, IGRA 9 i IGRA 10, sa po 2 (dva) polja za grebanje i ispisom DOBITAK;
- Pronađite 2 ista simbola u istoj IGRI i ostvarite pripadajući dobitak;  
Pronađite 2x  i ostvarite dupli dobitak te IGRE;
- Polje prekriveno emulzijom sa natpisom „NE SKIDAJ“.

Poleđina srećke sadrži:

- Logo “IGRAJ ODGOVORNO“;
- Logo WLA - Certified Security Control Standard;
- Logo THE EUROPEAN LOTTERIES - RESPONSIBLE GAMING CERTIFIED;
- EAN 13, prodajni bar kod;
- NOVČANI DOBITAK: Na srećki je otisnuto jedno polje prekriveno emulzijom. Skidanjem emulzije otkriva se 10 manjih polja označenih sa IGRA 1, IGRA 2,...IGRA 10. Uz svaku oznaku igre otisnuta su ili 2 simbola i dobitak za tu igru ili 2 simbola  te iznos dobitka za tu igru. Ako se u istoj igri otkriju 2 ista simbola, ostvaren je dobitak ispisan za tu igru. Ako se u igri otkriju 2 simbola  ostvareni dobitak ispisan za tu igru množi se sa 2. Na istoj srećki moguće je ostvariti više dobitaka. Ukupan dobitak je zbir svih ostvarenih dobitaka;
- **SREĆKA JE NEVAŽEĆA AKO JE OŠTEĆEN DIO EMULZIJE SA NATPISOM „NE SKIDAJ“;**
- Sigurnosni kod proizvođača;
- Emisija 1.000.000 srećaka;
- Emisiona vrijednost 1.000.000 KM;
- Fond dobitaka: 650.000 KM;
- Datum prodaje do otisnut na srećki;
- Priređivač: Lutrija BiH d.o.o. Sarajevo, Ul. Mehmeda Spahе 11, 71000 Sarajevo;
- PLAN DOBITAKA;
- Podaci o dobitniku, za oporezive dobitke: Ime i prezime, JMBG, Adresa;
- Pakovni broj srećke;
- Polje sa uplatnom šifrom u brojčanoj i bar kod formi.

## 9. UTVRĐIVANJE DOBITAKA

### Član 11.

Učesnik u igri utvrđuje dobitak skidanjem emulzije sa polja, otkriva se 10 manjih polja označenih sa IGRA 1, IGRA 2,...IGRA 10. Uz svaku oznaku igre otisnuta su ili 2 simbola i dobitak za tu igru ili 2 simbola  te iznos dobitka za tu igru. Ako se u istoj igri otkriju 2 ista simbola, ostvaren je dobitak ispisan za tu igru. Ako se u igri otkriju 2 simbola  ostvareni dobitak ispisan za tu igru množi se sa 2.

Na istoj srećki moguće je ostvariti više dobitaka.

Ukupan dobitak je zbir svih ostvarenih dobitaka.

Učesnik u igri nije dužan uzeti srećku na kojoj su vidljivi znaci oštećenja.

## 10. NAČIN I ROK ISPLATE NOVČANIH DOBITAKA

### Član 12.

Pri isplati dobitaka učesnik je dužan predati Priređivaču dobitnu srećku.

Dobitak se isplaćuje donosiocu srećke.

Dobitna srećka je ona srećka koja sadrži navedene elemente u članu 10. ovih pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

### Član 13.

Porez na novčani dobitak plaća učesnik koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

### Član 14.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Svi dobici prodatih srećaka, koji nisu isplaćeni do propisanog roka, smatraju se neisplaćenim dobicima.

### Član 15.

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

### Član 16.

Ispod emulzije na kojoj je napisano "NE SKIDAJ" se nalazi šifra. Priređivač čuva tajnost šifre.

## **11. NAČIN UPOZNAVANJA UČESNIKA U IGRI S OVIM PRAVILIMA**

### **Član 17.**

Ova Pravila se nalaze na svim prodajnim mjestima Priređivača. Osobama zainteresiranim za sudjelovanje u igri Priređivač je dužan omogućiti upoznavanje sa ovim Pravilima, odnosno dati ih na uvid.

## **12. PRELAZNE I ZAVRŠNE ODREDBE**

### **Član 18.**

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

### **Član 19.**

Ova Pravila stupaju na snagu danom donošenja, a primjenjivaće se puštanjem u prodaju 1. serije srećke i ista će se objaviti u jednoj od dnevnih novina.

Broj: 01-38-2209-7/19.  
Dana: 04.07.2019. godine

**P R E D S J E D N I K**

**Miroslav Ćorić, s.r.**